

b) ako u određenom vremenskom periodu nisu otklonjene utvrđene nepravilnosti i nedostaci.

2. Da se zabrani uporaba ili korištenje termoelektričnog postrojenja ako njihov rad ili uporaba dovodi ili može dovesti u opasnost život ili zdravlje ljudi ili ako njihov rad može prouzrokovati veće materijalne štete.

3. Da se zabrani izvođenje radova u blizini, pored, iznad ili ispod termoelektričnog postrojenja čijim izvođenjem se ugrožava njihov pravilan rad ili dovodi u opasnost život i zdravlje ljudi ili mogu nastati oštećenja imovine većeg stupnja.

#### Članak 17.

Na rješenje kantonalnog inspektora termoelektrike može se izjaviti žalba ministru u roku od 15 dana od dana prijema rješenja.

Žalba ne odlaže izvršenje rješenja.

#### Članak 18.

U ometanju ili sprječavanju inspekcijanskog nadzora na bilo koji način, naročito nasilnim metodama, uporabom sile ili prijetnjom da će se uporabiti sila, kantonalni termoelektrički inspektor može zatražiti zaštitu od nadležnog organa unutarnjih poslova.

### V. KAZNENE ODREDBE

#### Članak 19.

Novčanom kaznom od 1.000 KM do 10.000 KM bit će kažnjena pravna osoba za privredni prijestupi:

- ako otpočne sa korištenjem termoelektričnog postrojenja suprotno ocjeni nadležnog inspektora ili zahtjeva (članak 9.);  
- ako ne obavijesti nadležni organ termoelektričke inspekcije o oštećenjima, havarijama ili eksplozijama ako su ugroženi ljudski životi i okolica ili ako je zbog toga nastala veća materijalna šteta (članak 10.);

- ako se ne sprovede mjere i zahtjevi iz članka 11. ovog Zakona;

- ako ne postupi po naređenju inspektora da izvrši odgovarajuća ispitivanja (članak 15.);

- ako nastavi sa radom ili uporabom termoelektričnog postrojenja protivno naređenju inspektora (članak 16.).

Za privredni prijestup iz stavka 1. ovog članka bit će kažnjena i odgovorna osoba u pravnoj osobi novčanom kaznom od 100 KM do 2.000 KM.

#### Članak 20.

Novčanom kaznom od 500 KM do 5.000 KM bit će kažnjena pravna ili fizička osoba za prekršaj:

- ako ne podnese na pregled i ocjenu tehničku dokumentaciju nadležnom organu termoelektričke inspekcije (članak 8. stavak 1.);

- ako ne posjeduje odobrenu odgovarajuću tehničku dokumentaciju (članak 8. stavak 2.);

- ako u određenom roku ne obavijesti termoelektričku inspekciju o isteku odobrenja za rad i pripremljenosti za inspekcijanski pregled (članak 8. stavak 3.);

- ako u određenom roku ne postupi po rješenju inspektora ili ne obavijesti nadležni organ termoelektričke inspekcije o otklanjanju utvrđenih nepravilnosti i nedostataka (članak 14.).

Za prekršaj iz stavka 1. ovog članka bit će kažnjena i odgovorna osoba u pravnoj osobi ili fizičkoj osobi, novčanom kaznom od 50 KM do 350 KM.

### VI. PRIJELAZNE I ZAVRŠNE ODREDBE

#### Članak 21.

Ovaj Zakon stupa na snagu osmog dana od dana objavljivanja u "Službenim novinama Tuzlanskog kantona".

Bosna i Hercegovina  
Federacija Bosne i Hercegovine  
TUZLANSKI KANTON

Predsjednik  
Sabora Tuzlanskog kantona,

Sabor

**Dr. Izet Žigić, v.r.**

Broj: 01-02-319-15/01

Tuzla, 31. 10. 2001. godine

392

Na osnovu poglavlja IV, odjeljak B, člana 33. stav 1. tačka e) Ustava Tuzlanskog kantona, donosim

### UKAZ

#### O PROGLAŠENJU ZAKONA O IZMJENAMA I DOPUNAMA ZAKONA O PREKRŠAJIMA

Proglašava se Zakon o izmjenama i dopunama Zakona o prekršajima, koji je donijela Skupština Tuzlanskog kantona na sjednici od 31. 10. 2001. godine.

Broj: 01-1865/01

Tuzla, 8. 11. 2001. godine

Predsjednik  
Tuzlanskog kantona,  
**Mr. Selim Bešliagić, v.r.**

### ZAKON

#### O IZMJENAMA I DOPUNAMA ZAKONA O PREKRŠAJIMA

#### Član 1.

U Zakonu o prekršajima ("Službene novine Tuzlansko-podrinjskog kantona", broj 4/98 i "Službene novine Tuzlanskog kantona", broj 7/99), u članu 1. Riječi: "zakonom i drugim propisom" zamjenjuju se riječima: "kantonalnim i općinskim propisima, kao i drugim propisima koji se primjenjuju na području Tuzlanskog kantona (u daljem tekstu: Kanton), izuzev federalnih propisa", a na kraju teksta, iza riječi "prekršaje" dodaju se riječi: "na području Kantona".

#### Član 2.

U članu 6., riječi: "Tuzlanskog kantona (u daljem tekstu: Kanton)" zamjenjuju se riječju: "Kantona".

#### Član 3.

U članu 22., u stavu 4., iza riječi "organi" stavlja se zarez, a tekst: "i organizacije, i drugi državni organi i tijela" zamjenjuje se tekstem: "organi uprave i upravne ustanove, odnosno općinske službe za upravu".

#### Član 4.

U članu 23., u stavu 1. i 2., iza riječi "općine" stavlja se zarez, a riječi: "ili drugom državnim organu ili tijelu" zamjenjuju se riječima: "organu uprave i upravnoj ustanovi, odnosno općinskoj službi za upravu".

- Član 5.  
U članu 27., u stavu 4., riječi: "samostalni privrednik" zamjenjuju se riječju: "obrotnik".
- Član 6.  
U članu 28., u stavu 2., riječi: "taj organ odredit će" zamjenjuju se riječima: "sud će odrediti".
- Član 7.  
U članu 41., u stavu 3., tačka 2. mijenja se i glasi: "zabrana vršenja poziva, djelatnosti ili dužnosti".  
U tački 4., riječi: "Federacije Bosne i Hercegovine" zamjenjuju se riječju: "Kantona".
- Član 8.  
U poglavlju IV., podnaslov, pod rednim brojem 4., mijenja se i glasi: "Zabrana vršenja poziva, djelatnosti ili dužnosti".
- Član 9.  
Član 44. mijenja se i glasi:  
"Sud može učiniocu prekršaja zabraniti vršenje određenog poziva, određene samostalne djelatnosti, svih ili nekih dužnosti u vezi sa raspolaganjem, korištenjem, upravljanjem ili rukovanjem povjerenom imovinom ili za čuvanje te imovine, ako je učinilac zloupotrijebio svoj položaj vršenjem djelatnosti ili dužnosti radi izvršenja prekršaja ili ako se opravdano može smatrati da bi njegovo dalje obavljanje takve djelatnosti bilo opasno."
- Član 10.  
U članu 45. dodaje se novi stav 3. koji glasi:  
"Ako je mjera iz stava 1. ovog člana izrečena osobi koja ima stranu dozvolu za upravljanje motornim vozilom ona obuhvata zabranu njenog korištenja za vrijeme od tri mjeseca do jedne godine."  
Dosadašnji stav 3. postaje stav 4.
- Član 11.  
U poglavlju IV., u podnaslovu, pod rednim brojem 6., riječi: "Federacije Bosne i Hercegovine" zamjenjuju se riječju: "Kantona".
- Član 12.  
U članu 46. i u članu 48., riječi: "Federacije Bosne i Hercegovine" zamjenjuju se riječju: "Kantona".
- Član 13.  
"U članu 48., u stavu 1. riječi: "samostalne djelatnosti" zamjenjuju se riječima: "poziva, djelatnosti ili dužnosti".
- Član 14.  
U članovima 50., 91. u stavu 2., 139. u stavu 3., 190. u stavu 1., 327. u stavu 2., riječi: "preduzeće ili drugo", u odgovarajućem padežu, brišu se.
- Član 15.  
U članu 86., stav 2. mijenja se i glasi:  
"Kada predsjednik suda za prekršaje vodi prekršajni postupak, a sazna da postoji koji od razloga za njegovo izuzeće, dužan je da prekine rad i taj predmet rasporedi drugom sudiji za prekršaje."
- Član 16.  
U članu 91., u stavu 2., iza riječi "Kantona" briše se zarez, a ostali tekst zamjenjuje se tekстом: "ili općine, organu uprave i upravnoj ustanovi, odnosno općinskoj službi za upravu, vrši određene dužnosti".
- Član 17.  
U članu 95., u drugom redu iza riječi "lica", riječi: "u Federaciji Bosne i Hercegovine" brišu se.
- Član 18.  
U članu 117., riječ: "unaprijed" briše se.
- Član 19.  
U članu 137., u stavu 1., riječi: "Državnom organu" zamjenjuju se riječima: "Organu Kantona ili općine, organu uprave i upravnoj ustanovi, odnosno općinskoj službi za upravu".
- Član 20.  
U članu 139., iza stava 4. dodaje se novi stav 5., koji glasi: "Zahtjev za pokretanje prekršajnog postupka podnosi se u dva primjerka."
- Član 21.  
U članu 149., u stavu 2., iza riječi "dostavljanjem" dodaje se tekst: "kopije zahtjeva za pokretanje prekršajnog postupka i", a riječi: "naziv prekršaja" zamjenjuju se riječju: "prekršaj".
- Član 22.  
U članu 157., u stavu 1., riječi: "u Federaciji Bosne i Hercegovine" zamjenjuju se riječima: "na području Kantona".
- Član 23.  
U članu 161., stav 1., u tački 1., iza riječi "prebivališta" dodaju se riječi: "na području Kantona".
- Član 24.  
U članu 190., u stavu 1., riječi: "preduzeća, odnosno tog" brišu se.
- Član 25.  
U članu 195., u stavu 1., tekst: "općinskog vijeća na čijem području okrivljeni živi i na čijem području je učinjen prekršaj" zamjenjuje se tekстом: "suda i putem dnevnih sredstava informisanja".  
Stav 2., briše se, a stavovi 3. i 4. postaju stavovi 2. i 3.
- Član 26.  
U članu 233., dodaje se novi stav 1., koji glasi:  
"Kantonalski sud za prekršaje dužan je da donese pisano rješenje, u roku od 8 dana, po završetku svih procesnih radnji".  
Stav 1. postaje stav 2.

## Član 27.

U članu 272., riječi: "Ministarstvo pravde Kantona" zamjenjuju se riječima: "Ministarstvo pravosuđa i uprave Kantona (u daljem tekstu: Ministarstvo pravosuđa i uprave)".

## Član 28.

Poglavlje XXXIII briše se, a poglavlja od XXXIV do XXXVI postaju poglavlja od XXXIII do XXXV.

## Član 29.

Član 274. briše se.

## Član 30.

U članu 276., u stavu 1., u tački 1., riječi: "i Federaciji Bosne i Hercegovine" brišu se.

## Član 31.

U članu 282., riječ: "svoju" briše se.

## Član 32.

U članu 289., riječi: "državnih organa i ovlašćenih organizacija" zamjenjuju se riječju: "organa".

## Član 33.

U članu 292., u stavu 2., riječi: "Ministar pravde Kantona" zamjenjuju se riječima: "Ministar pravosuđa i uprave Kantona (u daljem tekstu: ministar pravosuđa i uprave)".

## Član 34.

U članovima 297. u stavu 3., 306. u stavu 2., 315. u stavu 2., 316. u stavovima 1. i 2., 324., 331. u stavu 4., 340. u stavovima 1. i 2., 344., 351. u stavovima 2. i 3., riječi: "ministar pravde Kantona" zamjenjuju se riječima: "ministar pravosuđa i uprave", u odgovarajućem padežu.

## Član 35.

U članu 305., stav 2. briše se.

## Član 36.

U članu 314., u stavu 1., iza riječi "godine" dodaje se tekst: "i najviše moralne osobine za obavljanje službe sudije za prekršaje". Stavovi 2. i 3. brišu se.

## Član 37.

U članovima 317., 338. u stavu 1., 339. u stavovima 1. i 2., 341. u stavovima 1. i 2., i 342., riječi: "Ministarstvo pravde Kantona" zamjenjuju se riječima: "Ministarstvo pravosuđa i uprave".

## Član 38.

U članu 319., dodaje se novi stav 3., koji glasi: "Predsjednik suda za prekršaje će, iz razloga navedenih u stavu 1. ovog člana, biti razriješen dužnosti."

## Član 39.

Član 320. mijenja se i glasi:

"U slučaju postojanja razloga navedenih u članu 319., ovog Zakona, prijedlog za razrješenje sudije za prekršaje, odnosno predsjednika suda za prekršaje, Vladi Kantona, podnosi ministar pravosuđa i uprave, samoinicijativno ili na inicijativu drugih lica."

## Član 40.

Član 321., mijenja se i glasi:

"Odluku o razrješenju sudije za prekršaje, odnosno predsjednika suda za prekršaje, donosi Vlada Kantona."

## Član 41.

U članu 323., u stavu 2., riječ: "nedosljednjim" zamjenjuje se riječju: "nedostojnim".

## Član 42.

Iza člana 325. podtačka c) mijenja se i glasi:

"Prava, dužnosti i odgovornost sudije za prekršaje".

## Član 43.

Član 328., mijenja se i glasi:

"Predsjednik suda za prekršaje i sudija za prekršaje ne može obavljati advokatske ili notarske poslove, odnosno privredne ili druge djelatnosti, kojima ostvaruje materijalnu korist, niti može obavljati bilo koje druge poslove koji bi mogli uticati na samostalnost, nepristrasnost i ugled u službi koju vrši.

Izuzetno od prethodnog stava, predsjednik suda za prekršaje i sudija za prekršaje se može baviti pedagoškim, naučnim, publicističkim, istraživačkim i drugim sličnim radom u pravnoj struci, ukoliko se time ne ometa obavljanje službe koju vrši.

O obavljanju rada iz prethodnog stava, predsjednik suda za prekršaje dužan je pismeno obavijestiti ministra pravosuđa i uprave, a sudija za prekršaje predsjednika suda za prekršaje, koji odlučuju o nespojivosti tog rada sa službom koju predsjednik, odnosno sudija vrši."

## Član 44.

Iza člana 331., dodaju se novi članovi 331a., 331b., 331c. i 331d., koji glase:

## "Član 331a.

Predsjednik suda za prekršaje i sudija za prekršaje disciplinski su odgovorni zbog povrede dužnosti u slučaju:

1. neispunjavanja radnih zadataka u pogledu kvaliteta i kvantiteta rada, ili nemarnog odnosa prema radu;
2. neefikasnog i neekonomičnog obavljanja službe usljed čega dolazi do odugovlačenja i nepotrebnog povećavanja troškova prekršajnog postupka;
3. angažovanja u aktivnostima koje nisu u skladu sa službom predsjednika suda, odnosno sudije za prekršaje;
4. odavanja službene tajne;
5. nekorektnog ponašanja prema strankama u prekršajnom postupku i ponašanja koje dovodi u sumnju nepristrasnost suda; i
6. svakog drugog ponašanja, koje može dovesti do kompromitovanja predsjednika suda, odnosno sudije za prekršaje.

## Član 331b.

Disciplinski postupak protiv predsjednika suda za prekršaje pokreće, vodi i disciplinsku mjeru izriče Disciplinska komisija

Vlade Kantona, na inicijativu ministra pravosuđa i uprave, a disciplinski postupak protiv sudije za prekršaje pokreće, vodi i disciplinsku mjeru izriče predsjednik suda za prekršaje.

U disciplinskom postupku iz prethodnog stava, shodno se primjenjuju odredbe zakona kojim je uređen krivični postupak.

#### Član 331c.

Za utvrđene povrede dužnosti predsjedniku suda, odnosno sudiji za prekršaje mogu se izreći slijedeće disciplinske mjere: opomena, ukor i novčana kazna umanjnjem plaće do 20% u trajanju do šest mjeseci.

#### Član 331d.

Protiv rješenja o izricanju disciplinske mjere predsjednik suda, odnosno sudija za prekršaje može, u roku od osam dana od dana prijema rješenja, izjaviti žalbu Drugostepenoj disciplinskoj komisiji Vlade Kantona.

Rješenje, doneseno po žalbi iz prethodnog stava, je konačno."

#### Član 45.

U članu 335., stavovi 2. i 3. brišu se.

#### Član 46.

U članu 338., u stavu 2. tekst: "državnih organa, preduzeća i drugih organizacija i zajednica" zamjenjuju se tekстом: "kantonalnih i općinskih organa, kao i pravnih lica".

#### Član 47.

U članu 344., riječi: "organe državne uprave" zamjenjuju se riječima: "kantonalne organe uprave".

#### Član 48.

Član 352a. se mijenja i glasi:

"Predsjednicima sudova za prekršaje i sudijama Kantonalnog suda za prekršaje koji nemaju položen pravosuđni ispit prestaje dužnost ako u roku od jedne godine, od stupanja na snagu ovog Zakona, ne polože taj ispit."

#### Član 49.

Zakonodavno-pravna komisija Skupštine Tuzlanskog kantona, utvrdit će prečišćeni tekst Zakona o prekršajima, u roku od 60 dana, od dana stupanja na snagu ovog Zakona.

#### Član 50.

Ovaj Zakon stupa na snagu osmog dana od dana objavljivanja u "Službenim novinama Tuzlanskog kantona".

Bosna i Hercegovina  
Federacija Bosne i Hercegovine  
TUZLANSKI KANTON

Skupština  
Broj: 01-02-379-26/01  
Tuzla, 31. 10. 2001. godine

Predsjednik  
Skupštine Tuzlanskog kantona,

**Dr. Izet Žigić, v.r.**

**392**

Na temelju poglavlja IV, odjeljak B, članka 33. stavak 1. točka e) Ustava Tuzlanskog kantona, donosim

## UKAZ

### O PROGLAŠENJU ZAKONA O IZMJENAMA I DOPUNAMA ZAKONA O PREKRŠAJIMA

Proglašava se Zakon o izmjenama i dopunama Zakona o prekršajima, koji je donio Sabor Tuzlanskog kantona na sjednici od 31. 10. 2001. godine.

Broj: 01-1865/01  
Tuzla, 8. 11. 2001. godine

Predsjednik  
Tuzlanskog kantona,  
**Mr. Selim Bešlić, v.r.**

## ZAKON

### O IZMJENAMA I DOPUNAMA ZAKONA O PREKRŠAJIMA

#### Članak 1.

U Zakonu o prekršajima ("Službene novine Tuzlansko-podrinjskog kantona", broj 4/98 i "Službene novine Tuzlanskog kantona", broj 7/99), u članku 1. riječi: "zakonom i drugim propisom" zamjenjuju se riječima: "kantonalnim i općinskim propisima, kao i drugim propisima koji se primjenjuju na području Tuzlanskog kantona (u daljnjem tekstu: Kanton), izuzev federalnih propisa", a na kraju teksta, iza riječi "prekršaje" dodaju se riječi: "na području Kantona".

#### Članak 2.

U članku 6., riječi: "Tuzlanskog kantona (u daljnjem tekstu: Kanton)" zamjenjuju se riječju: "Kantona".

#### Članak 3.

U članku 22., u stavku 4., iza riječi "organi" stavlja se zarez, a tekst: "i organizacije, i drugi državni organi i tijela", zamjenjuje se tekстом: "organi uprave i upravne ustanove, odnosno općinske službe za upravu".

#### Članak 4.

U članku 23., u stavku 1. i 2., iza riječi "općine" stavlja se zarez, a riječi: "ili drugom državnom organu ili tijelu", zamjenjuju se riječima: "organu uprave i upravnoj ustanovi, odnosno općinskoj službi za upravu".

#### Članak 5.

U članku 27., u stavku 4., riječi: "samostalni poduzetnik", zamjenjuju se riječju: "obrtnik".

#### Članak 6.

U članku 28., u stavku 2., riječi: "taj organ odredit će", zamjenjuju se riječima: "sud će odrediti".

#### Članak 7.

U članku 41., u stavku 3., točka 2. mijenja se i glasi: "zabrana vršenja poziva, djelatnosti ili dužnosti".

U točki 4., riječi: "Federacije Bosne i Hercegovine", zamjenjuju se riječju: "Kantona".

#### Članak 8.

U poglavlju IV., podnaslov pod rednim brojem 4., mijenja se i glasi:

"Zabrana vršenja poziva, djelatnosti ili dužnosti".